

四庫全書

集部

欽定四庫全書

集部

宋詩紀事卷四十

詳校官給事中臣鄭文泮

侍讀臣孫球覆勘

總校官進士臣繆琪

校對官中書臣鮑之鍾

謄錄監生臣任應銑

欽定四庫全書

宋詩紀事卷四十

錢塘厲鶚撰

李保

保政和中醫學博士

題朱翼中北山酒經

并序

大隱先生朱翼中壯年勇退著書釀酒僑居西湖上
而老焉屢朝廷大典醫學求深于道術者為之官師
乃起公為博士與余為同僚明年翼中坐東坡詩貶

達州又明年以宮祠還未至余一旦夢翼中相過且誦詩云投老南遷愧轉蓬會令淨土變夷風由來只許杯中物萬事從渠醉眼中明日理書帙得翼中北山酒經法而讀之益有禦魑魅于煙嵐轉炎荒為淨土之語與夢頗契余甚異乃作此詩以志之他時見翼中當以是問之其果夢乎非耶政和七年正月二十五日也

赤子含德天所均日漸月化滋澆淳惟帝哀矜憫下民

為作醪醴發其真炊香釀玉為物春投醪餘米授之神
成此美祿功非人酣適安在味甘辛一醉竟與羲皇鄰
薰然盈腹皆慈仁陶冶窮愁孰知貧頌德不獨有伯倫
先生作經賢聖分獨醒正似非全身德全不許世人聞
夢中作詩語所親不願萬戶誤國恩乞取醉鄉作封君
續北山酒經

蓋嶼

嶼政和中崑山令

讀沖邈翠微集

聖宋吟哦只九僧詩成往往比陽春翠微閣上今朝見
格老辭清又一人

中吳紀聞

元勛

勛字不伐陽翟人政和間知寧國縣事

山門靈巖

諸山深窟宅石門限塵寰空洞初不礙風扉敞雲關高
廣幾何許百夫可回環誰託遺蹟在冥濛煙霧閒羽駕

此來往朝昏想清班西風翠屏近藤蘿莫容攀因循再
閱歲闌見亦以艱忻茲固殊特獨冠江南山少陵惜未

到我語憑誰刪

寧國府志

吳沆

沆字德遠撫州崇仁人政和中與弟澥各獻所
著書澥得免解沆抵廟諱罷歸隱居環溪號無
莫居士有環溪詩話

和友人趨寧化

聞君早晚趨寧化尚有新詩別故人試問幾程端可到
還憂半載不相親傷心歲律崢嶸暮解事梅花摘索新
去去冰霜頻莫厭庭闈和氣即如春

環溪詩話

春遊吟

鳥語煙光裏人行草色中池邊各分散花下復相逢

環溪詩話李侍制云此所謂詩中有畫

首夏

積雨有餘潤游雲無定陰燕飛華屋靜鶯轉碧窗深

環溪詩話此詩味有富貴氣象

句

聖主思文德元臣獻武功一言深悟意五利且和戎

給沈

使事云是

天地包羞日山河匿怨中

給事云太逼

儒生別有淚

不是哭窮途

給事云作詩當如此

氛祲埋金闕塵沙暝梓宮古來

嘗膽事泣血望羣公

給事云好語

環溪詩話

吳濤

濤字德劭崇仁人沆之伯兄

在官阮日作

時乖事轉拙，端居徒含情。不似堦前草，春來隨意生。

絕句

遊子春衫已試單，桃花飛盡野梅酸。怪來一夜蛙聲歇，又作春風十日寒。

環溪詩話：予伯兄德劬作詩磨礱圓淨，都無病處。方休在官阮日，小詩并一絕句，最為含蓄，有氣象。

吳洸

沈字德強崇仁人沆之仲兄

暮春回文

嬌聲轉處藏鸚小
美睡濃時落日斜
橋拂柳溪深漲水
眼驚春雨亂飛花

環溪詩話仲兄詩從蘇黃中入

句

日長人靜聞風佩
久雨堂空生水衣
簷飛謝女雪徑

埽沈郎錢

和發青亭

寫處定移牆上影
捲來如寄隴頭春

墨梅

朱脣不駐曉妝薄玉頰頻啼夜雨翻

綠夢梅

花覺青春半

山將白晝陰夢過一年還是魔心更萬事竟成灰

環溪

詩話

徐端崇

端崇字崇之璿子政和間隱居禦兒

春渚紀聞東坡帥杭日與徐璿全父坐雙檣堂公指二檣曰二疏辭漢去璿應聲曰大老入周來公為擊節久之繼而其子崇之亦復少年俊偉落筆千字有人得山谷道人清江詞示之崇之曰山谷當今作者所知漁父止此耶或請為賦援筆立就識者奇之其末云魯邦司寇陳義

高三閭大夫心徒勞相逢一笑無言說去宿蘆
花又明月識者奇之

為蟲所擾得一絕句

空堂夜合勢如雲溝壑寧知過去身滿腹經營盡膏血
那知道夕不眠人

春渚紀聞時蔡京引用小人賦外橫敬崇之此
詩殆託以規諷云

方元脩

元脩字時敏桐廬人元英先生之後殿中侍御
史蒙之子政和初審察監大觀庫後通判濬州

奉同程致道著作次鮑溶冬成答客韻送趙叔問
奉議歸南都

清秋不相借白髮日更多塵埃困煩促原野懷經過聊
當倚滴潤資以生吾永宜不念離羣驚鵲寧釋窠王孫
別都去澹若依松蘿暫別亦復難賡詩飲無何我行聊
爾爾渺邈踰江河賸須闕佳句相我滄浪歌

宋文鑑

翁挺

挺字士特崇安人彥約子政和中以季父彥國

恩補官調宜章尉朝臣交薦改授少府監終尚
書考功員外郎號五峯居士有集

讀許太史祭黃長睿文

祕書丹旒返旅殯尚丹陽海路三山遠江流萬古長交

情惟太史傳業冀諸郎誰與銘泉壤臨文淚數行

東觀
餘論

附

曾續

續字元嗣政和間人

贈呂居仁

呂家三相盛天朝流澤于今有鳳毛
世業中微誰料理卻收才具入風騷

紫微詩話

曾 繹

繹字仲成

還家塗中

疎林殘嶺起昏鴉臘盡行人喜近家
江北江南春信早

傍籬穿竹見梅花

墨莊漫錄

左緯

緯字經臣黃巖人政和中以詩鳴有委羽居士集

石公弼跋云經臣之詩六義之雋也

委羽山

委羽不知何處是
倩人扶上木蘭橈
欲尋去路花梢密
爭認行雲酒浪搖
流水忽隨山腳轉
洞天疑把杖頭挑
逡巡不覺東風晚
殆有仙人弄玉簫

石新婦山

煙蘿為髻霧為巾獨立江邊經幾春無故被人呼作婦

不知誰是畫眉人

以上赤城志

許少伊被召追送至白沙不及

短棹無尋處嚴城欲閉門水邊人獨自沙上月黃昏

詩人玉屑此二十字可謂道盡惜別之情至今使人黯然魂消

春晚

池上柳依依柳邊人掩扉蜨隨花片落燕拂水紋飛試

數交遊看方驚笑語稀
一年春又盡倚杖對斜暉
後村千家

詩

臨海崇教寺

只把山為界紅塵自此分
竹窗吟聽雪苔石坐看雲意
靜詩先到心清道自聞
深慙王許輩猿鶴舊同羣
輿地紀勝

梅花

幾度尋春信空歸及暮鴉
試搖枝上雪恐有夜來花
望月穿深塢迎風立淺沙
若同桃李發誰肯到山家

送別

騎馬出門三月暮
楊花無賴雪漫天
客情惟有夜難過
宿處先尋無杜鵑

以上詩林萬選

天台道中

亂山深處是仙家
海變桑田日未斜
為有慈親倚門望
卻愁溪上見桃花

天台山志

句

一別又經無數日
百年能得幾多時

赤城集委羽居士集黃裳序政和癸巳陳瓘跋
稱其招友句云

荆溪林下偶談陳了翁喜左經臣此句以為非
特辭意清遠可玩味也老於世幻逝景迅速讀
之能無警乎然此乃古人已道之句戴叔倫寄
朱山人云此別又萬里少年能幾時杜荀鶴送
人遊江南云能禁幾度別即到白頭時但經臣
語尤婉而不迫爾

巢禽先覺曉穴蟻未知霜

落葉

荆溪林下偶談

孫邦

邦杭州人宣和元年進士官郎中

唐氏林亭

在新城

華屋沈沈野外居茂林清蔭繞門閭移花植果心無事
抱子弄孫歡有餘閒過西疇觀刈獲嬾尋南郭命巾車
問君為圃嗟予晚便擬歸休學二疏

咸淳臨安志

何宏中

宏中字定遠先世居鴈門宣和元年武舉廷對
第二調滑州韋城尉後為河東河北統制有成
真通理二集

齊東野語定遠為韋城尉汴京被圍獨韋城不
下後為兩路統制接應副使以糧盡被禽金人

憐其忠投之以官定遠投牒于地曰我嘗以此物誘人出死力若輩乃欲以此嚇我耶因西京獄久之免為黃冠自號通理先生起紫微殿邊徽宗東華君御容以事之後病歿

臨終作

馬革盛屍每恨遲
西山餓死亦何辭
姓名不到中興歷
自有皇天后土知

齊東野語

程俱

毛隨

俱字致道開化人以外祖鄧潤甫蔭入仕宣和二年賜上舍出身高宗朝擢中書舍人兼侍講

罷提舉江州太平觀除徽猷閣待制卒有北山集

石林葉氏曰致道詩章兼得唐中葉以後名士衆體

穹窿葬事回邑有感

生別萬里餘會面終有期死別不轉眸一朝千古非
白日光在天玄陰閟泉扉盈盈閨中秀土化成枯骭冠
并共甘苦謂見素髮垂那知生死變不待桑陰移室
有病時茵篋有嫁時衣了了眼中事閒妝靜容儀垂
揚手曾

折為我當春稀
迅流無迴波
落英無還枝
空房閒無迹
新墳草離離
傷心北門道
同來不同歸

善權洞

嘗聞包山境中有林屋
天旁通號地脈岳瀆潛鉤連
茲山豈其類
瀕洞皆中穿
二巖岌山足
琤淙激奔泉
牛羊走大石
吐受無窮年
金堂下石液
雪積如烹煎
從來米鹽稱浪播
里俗傳一洞
啓山腹穹窿
亦聯絲誰題
九斗字大篆
仍深鐫中藏
丈五石屹若
龍騰淵回頭
問主人

謂仲嘉

我輩定不凡云何逐官牒常得我所耽向來共幽
討九鎖藏芝巖而我自林屋翩然游皖濡洪崖儻可俯
不在南山南

詠勸酒胡

薄領青州掾風流翹秀才長煩拍浮手持贈合歡杯屢
舞回風急傳壽白羽催深慙偃師氏端為破愁來

墨莊漫錄飲席刻木為人而銳其下置之盤中
左右數側蹴蹴然如舞狀久之力盡乃倒視其
傳壽所至酬之以杯謂之勸酒胡或有不作傳
壽但倒而指者當飲程致道詩云云

和張敏叔遊滄浪亭

醉倒春風載酒人
蒼髯猶想見長身
試尋遺址名空在
卻笑張羅事已陳
稍置曲欄穿徑竹
別開高閣俯汀蘋
拏舟更欲陪清賞
要看毫端藻繪春

南園

王子池臺迹已荒
年來華構壓高岡
長林不礙千山月
老幹猶含九夏霜
便覺平泉冠東洛
還依綠水記南塘
蝸廬卻喜通幽徑
岸幘時來一嘯長

葺蝸廬吳下

四海無廬著此翁故營松竹儘囊空明知計出栢馬下
正擬身全木雁中東郭易成生草舍南村先怯卷茅風
向來豪氣今如此敢與元龍較長雄

九日寫懷

節物驚心兩鬢華東籬雖繞未開花百年強半仕三已
五畝就荒天一涯豈有白衣來剝啄亦從烏帽自欹斜
真成獨坐空搔首門柳蕭蕭噪暮鴉

龍尾硯同毛彥時隨聯句

歛水清以駛歛山文且堅

程

誰持玉斧琢製此月樣圓

想當結繩後要使鳥跡傳雕鏤見骨格豈與瓦礫全

毛

坡陀百氏圃澄泓九經淵墨海不復見柯嶠那可肩星

稀涵緯象眉綠生春妍

程

規模異鎔鐵濡寫殊懷鉛正

當秋兔穎發此霜松煙

毛

一從毛楮游幾作蟲魚箋微

辭想妃子搢首懷張顛寧同李生瘞聊續胡公鐫

程

常

疑老蚌殼浸潤成膏研

毛

堅逾鵝池鑄質射銅臺挺紛

紛況多偽渴雀同梳鞭

程

琳坳隱多水十手寄所宣池

光激墨色雲氣開毫聯翔鸞及垂露逸勢徒飛騫

毛

誰

云過珪璧或用磨戈鋌吾今欲焚棄負耒歸園田

程

以上北山集

遊大滌

太湖隱吏疎且頑手板拄頰看西山筆牀茶竈向何許
往來洞庭林屋間側聞餘杭隱大滌故整煙艇尋苕川
相從喜得二妙士金庭老客南昌仙早行不憚踏曉月

逸思自覺奔春泉岡迴澗轉若無路但見老翠漫秋煙
中峯一柱萬山表勢與太華爭擎天神仙古洞絕壁下
蓬萊別館青雲閒天壇無人石室冷借問白鶴何時還
人生但為形體累會當去之如蛻蟬金庭客南昌仙他
時待我乘八景舉手少別三千年

洞霄詩集

胡珵

珵字德輝晉陵人宣和三年進士紹興初史館
校勘出守嚴州有蒼梧集

楊誠齋序云陳少陽上書德輝視其草投畀蒼
梧召用為郎又以參政李公泰發之客見惡於
秦丞相坐廢飢寒困窮以死

天慶觀觀畫龍

道人龍中來醉與神物會寫茲蜿蜒質日月為冥晦崩
翻江海姿素壁起濤瀨呼吸見雌雄抉石疑可碎蕭森
殿陰古衆真儼飛旆注觀恐騰躍夜半失像繪飛光者
明珠靈祕一何怪爛爛照臺棟那得久在外偷兒伺酣
睡不怕嬰鱗害願言慎所託未用期一快

梁溪漫志吾州天慶觀龍姑蘇道士李懷仁所
畫懷仁者酒豪不羈嘗呼龍松江之上狎而觀
之遂畫龍入神品過毘陵天慶觀大醉索墨漿
數斗曳苔帚裂巾袂濡墨號呼奮蹄斯須龍成
觀者失聲辟易懼將搏也懷仁後不知所終而
好事者每呼畫工就龍模寫工運筆之際輒眩
暈欲仆竟不能成觀者駭異郡人胡德輝因與
客論近世名畫曰予每至畫龍處輒諦玩彌時
不能休乃賦古風云云

遊秀峯寺

攝身下蓬萊放浪雲水迹非無簡書畏心賞寄泉石亭
亭雲閒塔勝地聞自昔梯空上青冥如鳥著兩翼化城

出天半寶甃坦如席環山劃中斷裂地開震澤我我東
西峯觀闕倚空碧千尋采香逕劒臥漣漪直當年館娃
宮六月避暑夕琴臺延薰風萬女曳阿錫牛耳爭齊盟
鳥喙已薦食百家甫東村託足歸無宅焉知陵谷變大
厦響千烏矧茲風塵際樓殿踊山脊安隱大火中顯允
象教力興予浩劫歎萬法本空寂

楓橋

朝辭海浦千人石暮宿楓橋半夜鐘明日館娃宮裏去

洞庭呼起一帆風

滄浪亭

昔聞滄浪亭未到滄浪水先賢眇遺跡壯觀亦何侈飛
橋跨木末巨浸折湖壘糟牀行萬甕繚牆周數里廢興
固在天庶用觀物理緬懷嘉祐世周道平如砥相君賢
相君子美東南美如何一網盡禍豈在故紙青蠅變白
黑作俑茲焉始所有醉翁文垂耀信百世無忘角弓詠
嘉樹猶仰止同來二三子感歎咸興起縹瓷醉新汲毀

譽均一洗怒逢醒狂翁一別垂二紀焉哉老益壯論事
方切齒我欲裂絳幔推著明光裏安得上天風吹落君

王耳

以上吳郡志

張致遠

致遠字子猷南劍州沙縣人宣和三年進士高
宗朝歷戶部侍郎給事中出知廣州以顯謨閣
待制致仕

題明月樓

明月樓前可萬家鳳山菴下日初斜
風流耆舊消沈盡
空睇寒江耿暮霞

能改齋漫錄廖尚書剛用中嘗夢中作詩其末句云家住五湖明月樓其後公薨葬於沙縣二十五里交溪鳳山之下其子遂建樓以明月目之張給事致遠賦詩

胡寅

寅字明仲安國弟淳之子初生棄不舉安國收育之舉宣和三年進士高宗朝歷官禮部侍郎兼侍講直學士忤秦檜以徽猷閣直學士奉祠

致仕坐通李光落職新州安置檜死復元官卒
諡文忠學者稱致堂先生有斐然集

紙帳

細皺卷寒波輕明籠白霧何以相徘徊歲晚正凝沍枕
敬一尺竹被展幾幅布賢哉楮先生不以貧不顧夜玉
圍紅綃羞澀強自賦書生說富貴志士安貧素風驚銀
海潮春在明月庫先生睡方濃不覺糟牀注

翰墨大全

和趙宣

冠月裾雲佩綠霞百年將此送生涯
愁心別後無詩草
病眼燈前有醉花落筆擅場聊寫意
背山臨水遂成家
也須南畝多栽秫
休似東陵只種瓜

瀛奎律髓

劉一止

一止字行簡湖州歸安人宣和三年進士紹興
初召試除祕書省校書郎歷給事中進敷文閣
待制致仕有茗溪集

識舟亭

渺渺歸帆江北渚
脈脈相望那得語
舟中賈客嬋娟女
朝樂瀟湘暮荆楚
我欲招之問計然
浮名唾去如飄煙
買魚沽酒嘯儔侶
搥鼓弄笛殘彫年

宿溪口

溪聲來天邊
風水共豪縱
夜氣劇奔馬
侵曉不能控
書生有清癖
詠雪寧忍凍
胡為枕寒流
故遣不成夢

和巖整二子寒食少天色五字

霧雨昏不醒
東風曉能酸
我食日不足
寧憂三日寒

人言二月時霏雨生樹杪天色何時無要問寒食少

里語

春雨樹頭生

聞杭州亂

飢來命餉寒索衣官家養兵如養兒時平軍健久玩弛
轅門笑歌驕莫隨往時金陵囚刺史今者杭州漕臣死
稽天烈焰窮朝昏千丈紅霞炫江水鄰州之兵如此兵
嗚呼世難何時平

睡足齋

此地誰令著此翁
角巾敝倒鬢如蓬
興高絕壁松聲外
夢破寒花啁雀中
睡債幾時償
賽足書淫前日洗
除空故人若問安心法
一酌村醪薦晚菘

次韻宋希仲侍郎見貽

今日宦游此作客
每逢佳處欲忘年
頗將幻境觀塵世
始信臞儒是列仙
野色分橋山帶邑
晚雲藏寺水黏天
公身未屬煙波管
莫向津頭買釣船

冥冥寒食雨

冥冥寒食雨客意何誰親泉亂如爭壑花寒欲傷人生
涯長刺促老氣尚輪囷不負年年債清詩斷送春

訪石林

山行不用瘦藤扶度石穿雲意自徐夜過西巖投宿處
滿身風露竹扶疎

過梅溪省妻父臧翊善墳感歎

寂寞松岡鎖暮煙平生忠信事茫然臧孫有後真虛語
伯道無兒可問天

以上召溪集

李質

質字文伯參知政事昌齡曾孫為內侍梁師成
所引授右列睿思殿應制

揮塵後錄質少不檢文其身賜號錦體謫仙後
隨從北狩

艮岳百詠

奉詔同曹組作存十八首

艮嶽

勢連坤軸近乾岡地首東維鎮八方江不風波山不險
子孫千億壽無疆

極目亭

千里飛鴻坐上看山川風月在憑欄不知地占最高處
但覺恢恢天宇寬

跨雲亭

地高天近怯憑欄下視浮雲咫尺間只怪輕雷起崑際
不知飛雨過山前

散綺亭

斷虹飛雨過天涯碧落浮雲不復遮明日陰晴真可卜

倚欄來此看餘霞

蟠桃嶺

不到瑤臺白玉京海中仙果但聞名何人為報西王母
嶺上如今種已成

三秀堂

窗戶深沈晝不開鳳凰時下九層臺月明夜靜聞環佩
知有霓旌羽扇來

書館

蓮燭詞臣在外庭青錢學士已登瀛回廊屈曲隨巖阜
挾策何妨取次行

林華苑

連雲複道映樓臺茂苑奇花日日開但得如春天一笑
芳菲何必曉風吹

和容廳

白羽流星一點明上林飛雁幾回驚弓開月到天心滿
風外惟聞中的聲

漱瓊軒

淺碧分江入衆山
山深無處不潺湲
開軒最近寒溪口
噴薄松風響佩環

崑春堂

桂影亭亭漾碧溪
尋芳曾被暗香迷
碧桃開後晴風暖
花外幽禽自在啼

鑑湖

水天澄澈瑩寒光
一片平波六月涼
移得會稽三百里

不教全屬賀知章

蘆渚

萬葉梢梢秋意初斜風細雨憶江湖誰知雪壓波澄後
更與宮中作畫圖

松谷

雲藏煙鎖畫蒼蒼得地何須作棟梁聞道九龍扶輦過
一山風又作笙簧

蠟梅屏

冶葉倡條不受羈翠筠輕束最繁枝未能隔絕蜂相見
一一花房似蜜脾

紫硯壁

沒水攀蘿琢馬肝齋持堅潤出風湍潛藩每恨端谿遠
疊作山中峭絕看

濯龍峽

山東蒼煙細路通噴泉飛雨灑晴空真龍豈許尋常見
故作雲間飲澗虹

柳岸

牽風拂水弄春柔三月花飛滿御樓不似津亭供悵望
一生長得繫龍舟

揮麈復錄元符末掖庭詭言崇出有茅山道士
劉混康者以法籙符水為人祈禳且善捕逐鬼
物上聞得出入禁中頗有驗崇思尤敬事之寵
遇無比至於即其鄉里建置道宮甲于宇內祐
陵登極之初皇嗣未廣混康言京城東北隅地
叶堪輿儼形勢加以少高當有多男之祥始命
為數仞岡阜已而後宮占熊不絕上甚以為喜
繇是崇信道教土木之工興矣一時佞倖因而
逢迎遂竭國力而經營之是為艮嶽宣和壬寅
歲始告成御製為記命睿思殿應制李質曹組

共作百詠

僧祖秀陽華宮記畧政和初天子命作壽山艮
岳於禁城之東詔閣人董其役工已落成上
命之曰陽華宮大抵衆山環列于其中得平蕪
數十頃以治園圍以闢宮門於西入徑廣于馳
道左右皆大石林立僅百餘株以神運昭功數
慶萬壽峯而名之獨神運峯廣百圍錫爵盤固
侯居道之中束石為亭以庇之高五十尺御製
記文親書建三丈碑附於石之東南甌其餘巨
石並與賜名惟神運峯前巨石以金飾其字餘
皆青黛而已此所以第其甲乙者又有大石二
枚配神運峯作亭庇之真于寰春堂者曰玉京
獨秀太平岳真于萼綠華堂者曰慶雲萬態奇
峯括天下之勝藏古今之美於斯盡矣靖康元
年閏十一月大梁陷都人相與排牆避虜於壽
山艮嶽之巔時大雪新霽丘壑林塘宛若畫本

祖秀周覽累日咨嗟驚愕信天下之傑觀而天
造有未盡也明年春復遊陽華宮而民發之矣

曹緯

緯字元象一字彥文潁昌人有俊才釋褐卽物
故

自齊山借舟汎湖還家

十里平湖漫不流晚風吹浪打行舟定知歸得侵燈火

家在旅蘆最盡頭

宋文鑑

客有遺予畫梅者淡墨暈成因命之梅影

憶昔神遊姑射山夢中栩栩片時還冰膚不許尋常見
故隱輕雲薄霧閒

聲畫集

雁

雲飛水宿過炎涼回想來時道路長夜月照驚惟弔影
朔風吹斷不成行人間無處逃矰繳歲晚何曾飽稻粱
儻以能鳴免烹死繫書猶可到衡陽

後村千家詩

次韻曹好謙負春

作計尋芳不屬貧可憐風物自良辰飛花有意能留客

啼鳥多情解喚人涉世乍驚翻手薄論交多語白頭新
十年異縣傷流落來往山州枉過春

春日憶西湖簡家弟元寵

天涯孤客意堪哀病眼逢春只強開閉戶不知花老去
捲簾方覺燕歸來風休溼水光如拭雨霽箕山翠作堆
遙想西湖畫裏幾多車馬踏青回

以上詩林萬選

曹組

組字元寵潁昌人緯弟宣和三年進士召試中

書換武階兼閣門宣贊舍人仍給事殿中官止
副使有箕穎集

良嶽百詠

奉詔同李質作存十八首

介亭

雲棧橫空入翠煙
躋攀端可躡飛仙
介然獨出諸山上
磊磊排衙石滿前

璿波亭

水影搖暉動碧虛
日華凌亂上金鋪
安知不是鮫人寶

往往淵中得美珠

飛岑亭

微雲將雨洗層巒石磴莓苔路屈盤正是江南最佳處
仰看蒼翠俯澄瀾

噯噯亭

聖主從來不射生池邊羣雁恣飛鳴成行卻入雲霄去
全似人間好弟兄

八仙館

蟠桃初熟玉京春
圓屋如規戶牖新
盡是瑤池高會客
豈容塵世飲中人

蕭閒館

書草吹來種種香
好風移韻入松篁
丹臺紫府無塵事
偏覺壺中日月長

梅池

玉鈿勻點鑑新磨
香逐風來水上多
應為橫斜詩句好
故教疎影寫平波

絳霄樓

翼瓦飛甍跨閭風捲簾滄海日曛隴佳時自有羣仙到
笑語雲霞縹緲中

萬松嶺

蒼蒼森列萬株松終日無風亦自風白鶴來時清露下
月明天籟滿秋空

萼綠華堂

綠萼承趺正藥輕清香續續度簷楹天教不雜閒桃李

賜與神仙物外名

清虛洞天

玉闕金鎖一重重只見桃源路暗通行到水雲空洞處
恍如身世在壺中

躡雲臺

萬本琅玕密不開林深明碧鎖高臺更無一點遊塵到
但覺雲隨步步來

汎雪廳

月團攜下九重天來試人間第一泉正在水聲山色裏
六花浮動紫甌圓

景龍江

潤通河漢碧涵空影倒山光曉翠重間說巨魚時駭浪
只應風雨是神龍

雪香徑

夾徑梨花玉作英年年寒食半陰晴要看雪色無邊際
十二樓前月正明

百花屏

衆香芬馥著人衣
雲母光寒露未晞
圍得春風勝繡幕
紛紛紅紫鬪芳菲

飛來峯

突兀初驚倚碧空
翠嵐仍與瑞煙重
吳儂莫作西來認
真是蓬萊第一峯

敷春門

帝力無私萬國通
尚思寒谷待春風
欲將和氣均天下

都在熙熙造化中

以上揮麈後錄

輦下寒食

海棠時節又清明
塵斂煙收雨乍晴
幾處青帘沽酒市
一竿紅日賣花聲
綵球時向梭門過
繡轂遙隨輦路行
日暮人人醉歸去
熙熙春物見昇平

事文類聚前集

鴛鴦

蘋洲花嶼接江湖
頭白成雙得自如
春晚有時描一對
日長銷盡繡工夫

翡翠

窺魚潛立小荷圓
照水飛鳴更碧鮮
鬬草人歸尋墜翼
綺窗將去補花鈿

以上前賢小集拾遺

夜歸曲

飢烏啞啞啼暮寒
回風急雪飄朱闌
瑣窗繡閣豔紅獸
畫幕金泥接彩鸞
吳妝秀色攢眉綠
能唱襄陽大隄曲
酒酣橫管咽孤吹
吹裂柯亭傲霜竹
遠空寒雲渾不動
老狐應過黃河凍
暗回微暖入江梅
何處荒榛挂公鳳

歸來穩跨青連錢
貂茸擁鼻行翩翩
籠紗蜜炬照飛霰

十二玉樓人未眠

古今詩統

邵彪

彪字希文鎮江人宣和三年進士歷國子監丞

知楚州

丹陽懷古

故里詩人去湖山最寂寥
草深張祐宅花暗許渾橋
鳳髓何時續蓬萍觸處飄
鴻冥杳難及霜鬢兩蕭蕭

鎮江府志

范宗尹

宗尹字覺民襄陽鄧城人宣和三年上舍登第
高宗朝歷尚書右僕射同中書門下平章事退

居台州

雞肋編范覺民作相方三十二歲肥白如冠玉
旦起與裹頭帶巾必皆攬鏡時謂之三照相公

遊大有空明洞

在黃巖委羽山

暫到山中禮法壇空明雲氣逼人寒當年孤鶴知何處

遙想天風墜羽翰

台州府志

張邵

邵字才彥烏江人宣和三年上舍登第建炎初以直龍圖假禮部尚書使金通問欲降之不屈徙于會寧府和議成及洪皓朱弁南歸升祕閣修撰敷文閣待制知池州奉祠卒有輜軒倡和集

待制張公行實公在會寧士多從之授書生徒斷木書于其上捧誦既過削去復書中圓如瓠而首尾尖目之曰木橄欖蓋其俗兒童誦習率以此

句

蘇檀久絕寢衣想姜被忽分挾纈香

謝樞密王公倫惠
綿衾待制張公

行實

張嶠

嶠字巨山襄陽人宣和三年上舍中第紹興中
官司勲員外郎擢中書舍人升實錄院修撰有
集

劉後村詩話巨山陳簡齋之表姪詩法似之

夷陵

吳越相持地江山直險固昔聞焚夷陵今茲但遺堵山
遠欲連天江寬疑浸樹左顧渚宮塗右眺襄陽路野迴
無居人荒村但豺虎依依念鄉井愴愴悲墳墓月淡江
風寒雲深楚山暮佇立小踟躕蒼蒼歸鳥去

防江

大漠與吳越天南天北頭虜尤涉吾地飲馬長淮流飲
馬猶尚可莫使學操舟

後村詩話語意高簡意味幽遠

絕句

犖确南山路叢筠冒水生寒梅銷落盡猶有數花明
十日濃陰飛細雨清川初漲水平沙幽人閉戶春已半
開徧山南山北花

故園墳樹想青蔥寒食風光淚眼中自痛不如傖父子
紙錢猶挂樹頭風

一行疎樹對柴門又見荒煙上晚村日日牆陰觀日影

人生消得幾朝昏

日炙櫻桃已半紅更薰花氣滿襟風路傍謁舍蹲遺獸

應有荒墳在麥中

以上後村詩語

馬擴

擴字子充中嘉王榜武舉宣和四年與趙良嗣
使金議割燕山特除武翼大夫忠州刺史兼閤
門宣贊舍人紹興初為湖南宣撫司參議官有
茅齋自叙

使金和趙良嗣

未見燕銘勒故山耳聞殊議骨毛寒願君共事烹身語

易取皇家萬世安

茅齋自叙

句

未敢此時非趙括已愁他日類田豐

三朝北盟會編紹興二年曹成執湖南安撫使
向子諲據道州宣撫司參議官馬擴遣使臣張
布齎劄子招成成受招安乃放出子諲參謀范
直方曰曹成不可招保之使赴行在馬曰彼既
不願速出從之是使散而為亂也宣撫使吳敏
惑直方之議馬以詩獻敏云云遂拂袖歸又數

日敏以資學富祠之命到城成即復亂湖廣被其害直方得郡而去

王次翁

次翁字慶曾濟南人禮部別頭試第一南渡知處州附秦檜屢遷至參知政事奉祠居明州。

聞馬擴辭職作

徙薪曲突論無憑太尉山中混耦耕頭額爛焦曾采錄
參謀先已享專城

近來出處事何如先輩風流掃地無忽有子充驚末俗

一言未契便長驅

三朝北盟會編

傅墨卿

墨卿字國華山陰人以大父恩補官宣和四年
使高麗有功賜同進士出身進龍圖閣學士提
舉杭州洞霄宮

句

百鍊鑑從天上鑄五時花向帳前施

端午帖子

容齋

曹勛

勛字功顯陽翟人組之子宣和五年賜同進士
出身紹興中僑居天台以韋太后北還迎鑾功
官至昭信軍節度使孝宗朝加太尉開府儀同
三司卒贈少保諡忠靖有松隱文集

夷堅志紹興中曹勛使金好事者戲作小詞其
後闕曰單于若問君家世說與教知便是紅窗
迴底兒謂勛父元寵昔以此曲著名也

乾道聖德頌

并序

臣恭惟皇帝陛下膺上聖之期繼中興之統紹登四

載恭勤百為廼乾道改元政事具舉營戍罷屯黎民
於變時雍廷臣小大率職致淮北之蝗入境自斃秋
成之積歲登大有是皆陛下聖德昭著雖黃童白叟
所不待言而知臣以草莽之賤迫桑榆之年際遇四
朝叨塵二府豈不知清明之時方深貪戀大懼榮祿
浮實莫允清議故控露忱悃仰瀆天聰特蒙賜俞已
幸晚境安處閒退日聽康衢熙熙之謠顧老臣不當
以翰墨輒塵宸扆然抃蹈之餘有不能自己者謹擬

元和之作極思選言撰成乾道聖德頌昧死上進雖
未能形容聖德之萬一庶少伸臣子歸美之誠其辭
曰

維聖有作紹隆興運天經地義宗堯越舜風俗淳厚日
星明潤冰天桂海咸祇成訓皇矣藝祖肇開宗祊用集
大命再造羣生卜世卜年周室與京德懋聖孫區宇再
寧龍潛出震握符御極恭儉慈仁已隆燕翼勵精治具
羣工惟辟斯皇聖德以受方國躬秉要道化成斯民問

寢侍膳克勤日新刑于四海率土興仁至矣聖孝悅安
嚴親猶憂餘種久失我重稍恢雄略盡還尊奉復修絳
樂亟續騫貢布昭聖武式皇鉅宋洪宣景命爰振皇綱
詔令諭旨粉澤八荒宸奎逸彩龍鳳騫翔煥乎聖文彬
彬日彰誕敷武節克柔強鷙風靜邊圻煙沈晚燧稽夫
力田塞馬垂轡巍巍聖功允格康濟光啟元良鶴禁建
儲遴擇端方贊翊詩書濬哲文思日親睿謨於赫聖明
有開令圖當天執錄了無玩好貴異獻輸蕩然一埽力

敦嘉靖詢謀政要丕鑠聖斷坐臻是奧從容總攬用體
乾剛文武一道督以經常王化溥博景風丕祥格天聖
治時雍時康咫尺威顏豁達方寸日角珠庭金聲玉振
穆穆皇皇天儀明潤洪惟聖表萬寓朝覲乃武乃文止
戈好生華夏蠻貊底於丕平罔或反汗克斷惟明長策
遠馭奕奕天聲寶緒重光密答純祐既協皇極昭報方
茂克父母子撫封增舊行復九有亘萬萬壽大哉乾元
萬物資之赫赫明世吾君繼之熾昌隆祚惟皇造之億

萬斯年惟皇保之

獨不見

獨不見誰相憶花影上珠簾明月穿窗隙翡翠暗無光
蒼苔點行跡鸞鑑挂珊瑚寶靨銷金碧彷彿聞簫韶夢
想見顏色為我報新人好好承恩澤君看後庭花芳菲
能幾日

楊花曲

春光誰占得楊花獨自知未到傳消息將歸送別離隨

風飛更急入戶舞還低大有撩人處妝臺惱畫眉

以上

松隱集

沈晦

晦字元用錢塘人遘孫宣和六年廷對第一歷
知建康府高宗朝進徽猷閣直學士出守衢州
提舉太平興國宮

上方山居

月斜樹影穿窗入雨過山泉繞舍鳴野寺中宵人不睡

蒲團布衲悟前生

天畔羣山一草亭
半溪煙雨花冥冥
老翁投老得此景
日與溪山同醉醒

此生真與世相忘
投老生涯寄上方
洗足關門枕書睡
連山松檜雨浪浪

括蒼彙紀

邵棠

棠字仲甘號西坡南康軍都昌人宣和六年進士

道經柘溪靜林寺

青山萬疊倚晴空中有招提一逕通老衲不關塵世事

黃花紅葉共秋風

詩林萬選

萬松嶺老僧

佛屋三間破冷開半通雲氣半蒼苔行人莫問僧年紀

嶺上喬松是手栽

杭州府志

王洋

洋字元渤山陽人御史資深子以省試第二名

中宣和六年甲科官博士歷典三郡晚守鄱陽
洪忠宣以使金歸人無敢過其居洋獨候舍坐
免去有東牟集

琵琶洲

塞外風煙能記否天涯淪落自心知
眼中風物參差是只欠江州司馬詩

容齋三筆吾州餘干縣東干越亭有琵琶洲在
下唐劉長卿張祐輩皆留題王洋一絕句云云
真佳句也

李長民

長民揚州人正民之弟南渡寓家海鹽

題鹿苑寺一擊軒

我聽風篁是梵音如何俗耳等閒聞自來擊處無人會

千古知心只此君

海鹽縣國經

祖秀實

秀實字去華浦城人弱冠釋褐第一除國子博

士高宗朝拜禮部郎中

寄吳晞遠

官路聲名二十年江鄉舊仰貳車賢推將事業歸塵外
收得功夫到酒邊解榻幾聞招隱士炷香終日對韋編
公朝況是登耆哲早晚蒲輪穩著鞭

萬姓統譜吳駿字晞遠中元豐八年進士調潞
州上黨簿太宰張商英首加薦引知虔化縣通
判永州未幾告老祖秀實以詩寄之云

慕崇禮

崇禮字叔厚高密人徙北海登上舍第高宗朝

拜翰林學士退居台州有北海集

題石梁瀑布

林麓陰森徑曲盤
漸驚危步入重巒
地分寶剎臨空翠
天設飛梁跨急湍
霜暗雲蒸山氣肅
雪翻雷輓水聲寒
我來不作多求想
試出神光徧現看

天台勝記



宋詩紀事卷四十

欽定四庫全書

集部

宋詩紀事卷四十二

詳校官給事中臣鄧文泮

侍讀臣孫球覆勘

總校官進士臣繆琪

校對官中書臣鮑之鍾

謄錄監生臣任應銑

欽定四庫全書

宋詩紀事卷四十一

錢塘厲鶚撰

王晞韓

晞韓興化軍人宣和六年進士紹興間樞密樓
炤宣撫關陝辟為屬改京秩朝廷欲借兵西夏
犄角金人差管押生蕃三百餘口歸憂國道無
疎虞累遷大理少卿方庭實宣諭陝西贈以詩
晞韓和之時秦檜方主和議誣以他獄欲置之

死上閔其勞移潯州赦歸卒

和方廷實見贈

誰憐定遠不生還
驛騎翩翩出漢關
未肯西風回馬首
要傳飛檄過千山

莆陽文獻

張闡

闡字大猷永嘉人宣和六年進士高宗朝累遷
宗正少卿孝宗朝遷工部尚書顯謨閣學士奉
祠卒諡忠簡

奉祠後作

八請犯天顏今朝出漢闕渾如倦飛鳥日暮傍巢還

合

壁事類後集

王之道

之道字彥猷號相山居士無為軍人宣和六年
進士建炎中保山寨攝鄉郡尋以議和忤秦檜
晚起漕湖南官樞密使有相山集

蒙城早行

蒙城在應天府汴河西上入京路

殘月千家閉荒城萬木號舉頭華蓋近回睇啟明高野
迴霜迎面風清冷透袍十年河上路從此步金鰲

瀛奎律髓

繡溪

畫橋雕檻接招提新有幽人倚繡溪千頃波明天上下
兩匝光映水東西飛樓湧殿參差見古木修篁咫尺迷
此景此時君信否綠楊影裏轉黃鸝

廬州志

詹度

度宣和中資政殿學士同知燕山府

送宣撫童貫平燕班師

長途春色送英雄滿目江山映日紅
劒戟夜搖楊柳月旌旗曉拂杏花風
行時一決平戎策到後須成濟世功
為報燕山諸將吏太平取在笑談中

三朝北盟會編

蔡柟

柟字堅老南城人嘗為宜春別駕宣和以前人
歿于乾道庚寅曾公卷呂居仁輩皆與倡和有
雲壑隱居集浩歌集

泊釣臺

高臺百尺凌空碧
維舟夜久霜月白
癭木窸窣搖枯藤
寒瀨潺潺落蒼石
先生退隱知幾年
漢家鐘鼎徒凌烟
高風千古磨不盡
山水照映長明鮮
我來俯仰慚羈旅
衝寒愁怕玄冬暮
此身不負白鷗盟
暫此遲留亦何預
起來搔首江茫茫
孤篷卻逐雁隨陽
人生遊行豈易得
惟有此夕難相忘

釣臺集

登郡學稽古閣晚望

簷外川原迴煙中草樹微山城暮吹角客子淚霑衣歲
月經身老行藏與願違歸禽帶落日渺渺背人飛

詠新荷

堅老嘗謁韓子蒼令賦此詩

朱闌橋下水平池四面無風柳自垂疑是水仙吟意嬾
碧羅箋卷未題詩

以上西江通志

陸元光

元光字蒙老歸安人博學善吟詠宣和初為嘉
興令後改晉陵

詠蟬

綠陰深處汝行藏
風露從來足稻粱
莫倚高枝縱繁響
也須回首顧螳螂

庚溪詩話蒙老宰晉陵時州幕官有好譏謗同
列者一日同會聞蟬蒙老即席賦此其人聞而
少戢

嘉禾八詠存二首

金魚池

池上春風動白蘋
池邊清淺見金鱗
新波已縱游魚樂

調笑江頭結網人

五柳橋

五柳先生倦折腰孤眠千載仰風標青衫令尹頭如雪
不厭朝昏過此橋

至元嘉禾志

鄭強

強閩人宣和中萍鄉令

化成巖

城郭鶯塵外江山勝槩中鏗然一灘水和以萬松風夾

徑森竒石危亭納大空蒼巖不能語曾識贊皇公

袁州府志

程瑤

瑤字伯寓饒州浮梁人宣和中太學試第一官

屯田郎中謫監漳州鹽稅高宗朝累除兵部尚

書龍圖閣學士提舉江州太平宮卒有飽山集

拜程剛愍公墓

早從賓客傳青扉晚舉絲綸對紫微忠憤欲先同列死
邊塵驚繞屬車飛墓閒挂劍心猶在帳下談經事已非

太學諸生皆白髮汪汪老淚溼征衣

饒州府志公名振字伯玉樂平人少入太學徽宗幸學以古職除官累擢國子司業兼太子舍人靖康元年以吏部侍郎尹開封金兵至及于難高宗立贈端明殿學士賜諡剛愷墓在樂平懷義鄉

李芬

芬宣和進士

吳將軍元瑜丹青妙當世吳王命扁舟下海陵貌徐神翁像以歸故為詩叙其事以贈

秦皇寤寐茅盈語銳意長生欲輕舉徐福藥就仙骨成
雲海茫茫但延佇東西日月秋復春海變桑田更幾人
忽思重看舊寰宇驂鸞直下江淮濱布衣野叟不耕藝
自向琳宮操袞褕祕語親書悟世人一坐忽驚三十歲
淮南奉道聞真蹟命使扁舟訪消息畫手從來獨擅長
一見仙風心自得歸來目斷蒼烟垠三尺生綃醉墨翻
軸上神翁不解語彷彿白鶴乘孤雲海陵相望一千里
嗟我塵勞未云已授書圯上會有期誠心願取黃公履

宣和畫譜

黃次山

次山字季岑豐城人宣和進士建炎中官吏部郎中提點湖南刑獄有三餘集

田家春日

緯竹梁溪面誅茅舍道傍臘收冰下紙春課社前薑露
草牛羊長風花杖屨香人生但如此官獨為誰忙

前賢

小集拾遺

趙良嗣

良嗣本遼人馬植因童貫來降改姓名李良嗣
薦于朝獻策伐遼賜國姓累官延康殿學士光
祿大夫以罪奪職靖康初戮于郴州

宣和四年使金作

朔風吹雪下雞山獨暗穹廬夜色寒聞道燕然好消息

曉來驛騎報平安

馬攬茅齋自序

上京作

建國舊碑邊月暗興王故地野風乾回頭笑向王公子
騎馬隨軍上五鑾

程史趙良嗣絳人來降以能文為裕陵眷遇曾
兼史局令續通鑑長編重和元年十二月推修
四朝會要帝系后妃吉禮三類賞良嗣以參詳
轉秩後坐誅余讀北遼遺事見良嗣與王瓌使
女真隨軍攻遼上京城破有詩云五鑾乃上京
殿名保機之故巢也

劉 似

似宣和閒為昌國尉

投洩潭龍宮

未躍天衢卧寂寥
碧潭流溢海山腰
埋藏頭角雖經歲
際會風雲在一朝
既若有心成變化
豈能無意及枯焦
神蹤許為蒼生起
願擊香車上九霄

延祐四明志

李處權

處權字巽伯洛陽人
邯鄲公淑曾孫
宣和間與陳叔易
朱希真以詩名
南渡後嘗領三衢
有崧菴集

送二十兄還鎮江

此行檢校幽棲事佳處知公故未忘新筍宜應過母大
舊松想已及人長老來對客須靈照貧後持家藉孟光
世亂身危何處是二年孤負北窗涼

瀛奎律髓

吳可

可字思道金陵人宣和末官至團練使責授武
節大夫有詩名

孫仲益作汪彥章墓誌云大端梁師成用事小
人朋附目為隱相武人吳可者師成許以能詩
至出入臥內公罷符寶可過公致師成意曰聞
名久矣幸不鄙過我禁從可拱而俟也公謝不

注客曰吾曹望隱相之門如在天上召而不往
何故公曰若使我與可輩為伍耶

李端叔跋云思道詩妙處畧無斧鑿痕字字皆有來歷

病酒

無聊病酒對殘春
簾幙重重更掩門
惡雨斜風花落盡
小樓人下欲黃昏

戲作冷語

闕十八字

思如冬

露下紫薇花影中
長哦白雪明光宮
衆泉涌此萬卷胃

春霽

南國春光一半歸
杏花零落淡胭脂
新晴院宇寒猶在
曉絮欺風不肯飛

以上墨莊漫錄

小醉

小醉初醒過竹村
數家殘雪擁籬根
風前有恨梅千點
溪上無人月一痕

次韻劉元舉子規

蜀魄悲鳴楚國春
試憑清些與招魂
柔腸欲斷雲橫嶺

幽夢初回月挂村客舍花光隨野水故園柳色負柴門
飽聞錦里無窮樂早晚歸來訪子孫

遊清涼寺

延步石城塢迢迢去興長野田耕晚雨寒樹倚斜陽載
酒追狂客論才得漫郎無因遂高蹈時復借山房

前賢小集拾遺

以上

贈戴彥衡

病來謾喜折釵股老去尚懷雙脊龍他日扁舟會乘興

摩訶主壁小從容

羅願新安志新安墨以黃山名數十年來造者
乃在婺源黃岡山戴彥衡吳滋為最彥衡自紹
興八年以薦作復古殿等墨其初降雙角龍樣
是米待制元暉所畫繼作主壁及戲虎樣時議
欲就禁苑為窯稍取九里松古松為之彥衡以
松生道旁平地不可用其後衢池工者載他山
松往造亦竟不成彥衡未幾死嘗出貢餘一圭
示米公米以為罕有其比詩人吳可贈詩云云

句

東風可是閒來往時送紅梅一陣香

優古堂詩話李方叔喜吳可小詩云云殊不知
張芸叟醢醢詩亦云晚風亦自知人意時去時

來管送香

趙季西

季西宣和閒人

丹青閣

跨壑飛簷屋數楹上橫山色下溪聲等閒題作丹青閣
未必丹青畫得成

方輿勝覽在建寧府開元寺側元豐初太守石
禹勤建宣和中趙季西命名且賦詩云

章憲

憲字叔度吳郡人宣和中監漢陽酒稅有復軒

集

吳郡志章甫字端叔自建之浦城徙居于吳崇寧初除都官郎中尋挂冠歸藏書萬卷雖校精密年六十二卒子八人憲其一也憲樂道好德操履高潔鄉里謂之隱君子其學師事王信伯而與朱子發呂居仁等游嘗自作復軒記謂葺先人之廬治東廡之軒以貯經史百氏之書名之曰復以警其學其後圃又有清曠堂詠歸清閼遐觀三亭以慕古尚賢皆有詩

登齊雲樓

飛樓縹緲瞰吳邦表裏江湖自一方曲檻高窗雲細薄

落霞孤鶩水蒼茫，固知興廢因時有。
獨覺江山共古長。
回首中原正愁思，不堪殘日半規黃。

題處士顧禧漫莊

何許明人眼，松閒見古堂。
泉聲到槩几，山影覆繩牀。
愛酒陶元亮，聽蛙孔德璋。
紛紛戰鬪觸丘壑，信難忘。

遐觀亭

吾慕陶靖節，處約而平寬。
涉園自成趣，矯首復遐觀。
我亦散遊目，俯仰天地間。
雲烟自舒卷，湖嶺相回環。
永與

形役謝豈有俗慮干想像斜川遊千載乃相關

松江謁王文孺令宰

暑退涼生過雨天鳬飛鷺浴暮江前秋風小浪鴨頭水
斜日輕帆燕尾船青眼卻欣逢地主白頭相對聳詩肩
林塘勝處開尊俎只欠冰輪特地圓

以上吳郡志

挽著作王先生蘋

伊洛流風在丘軻道益尊遺經啟幽眇後學有淵源鑽
仰知由戶衰遲阻及門三年思睟面一旦絕微言

西觀才黔突題輿卻佐州濟時卑管晏齎志在春秋暖
暖孤雲沒沈沈厚夜幽升堂聞禮樂終覺媿程仇 王著

作集附

連南夫

南夫宣和末以太常少卿使金紹興中知泉州
不附和議落職

滴水巖

滴水巖高路欲窮佩環聲響玉玲瓏一天星斗墮青漢

萬斛珠璣瀉碧空
滄海逕歸朝夕會
曹溪不隔本源通
何妨凝竚龕巖下
更沐如來灌頂功

廣東通志

許安仁

安仁字仲山襄邑人晚以特奏名得官調南劍

州順昌尉

許彥周詩話李父仲山所著阮奇集自序曰水
激之以亂石則有聲磨藏之以輟器則聲齊不
下者二城田單因而縱兵文獨不待阮而後奇
乎

和徽宗御製宮詞

輕寒慘慘透衾羅
玉箭銅壺漏水多
常是未明供服御
夢回頻問夜如何

許彥周詩話

夢中作

山色濃如滴
湖光平如席
風月不相識
相逢便相得

許彥周詩話季父病中夢至一處泛舟環水皆奇峰可愛賦詩云云既寤而言之後數日卒

植竹吏隱堂後因題

珍重勞君慰遠遊
繁聲疎影一堂秋
主人看即官期滿
分付風塵與子猷

斲破中庭一畝苔
主人白髮手親栽
即今誰信清貞節
須向三冬雪後來

能改齋漫錄

題善山院

瓦爐栢子裊殘烟
午夢醒時一暢然
不悟功名負終老
荒山飢走又三年

延平府志

周邦

邦海陵人居錢唐右文殿修撰知廣州種之孫
官迪功郎江東帥幕著政和大理入貢錄

次陳彥育遊鍾山韻

雄壓吳頭控楚腰，千峯環拱冶城橋。
黃旗紫蓋旋歸漢，

古剎淒涼尚號蕭。

郗后化蟒之地，鹿苑院土人名為蕭帝寺。

北嶽經行匪濫巾，相陪來現隱淪身。
春蘿秋桂還吾輩，白浪紅塵付若人。

清波雜志

范周

周字無外文，正之姪孫純古之子。
負才不羈，安

貧，自樂所居號范家園。

中吳紀聞范周少負不羈之才工于詩詞不求
聞達所居號范家園亭安貧樂道未嘗屈折于
人盛季文作守時頗嬖士嘗于元宵作寶鼎現
詞投之極蒙嘉獎因遺酒五百壺其詞每遇燈
夕諸郡皆歌之

巡夜絕句

自古輕儒孰若秦山河社稷付他人而今重士如周室
忍使書生作夜巡

中吳紀聞方臘之亂郡中令總甲巡護雖士流
亦不免無外率府庠諸生冠帶夜行首用大燈
籠書一絕于其上郡將聞之亟為罷去

題崑山絕頂

萬疊青巒厭巨崑，四垂空闊水天分。
夜光寒帶三江月，春色陰連百里雲。
桂子鶴鳴空半落，天香僧出定中聞。
不將此境憑張益，三百年來屬老文。

中吳紀聞

木香

暖風吹麝入鉛華，不肖隨春到謝家。
半夜粉寒香泣露，也應和月怨梨花。

墨莊漫錄

范公稱

公稱文正公之後著過庭錄

無題

赤縣東城尉
它年業舊儒
老為知道馬
中有報恩珠
歲月侵餘齒
風埃上短鬚
賴逢同志友
襟韻不相孤

過庭錄

燕照鄰

照鄰字明仲
陽翟人
隱居不仕

絕句

女駸兒癡十口餘
進時無業退無廬
一窗風雨韓城夜

火冷燈青照舊書

過庭錄

范仲溫

仲溫字元實祖禹之子秦少游之壻呂居仁之表叔學詩于黃山谷有潛溪詩眼

鐵圍山叢談仲溫嘗預貴人家會有侍兒喜歌秦少游長短句坐中畧不顧及酒酣懽洽侍兒始問此卽何人仲溫遽起叉手而對曰某乃山林微雲女壻也聞者為之絕倒

句

夷甫雌黃須倚閣君卿脣舌要施行

紫微詩話

陸宰

宰字元鈞佃子官朝請大夫直祕閣贈少師

施宿會稽志紹興十三年始建祕書省于臨安天井巷之東詔求遺書于天下首命紹興府錄直祕閣陸宰家書來上凡萬三千卷有奇

句

奴愛才如蕭穎士婢知詩似鄭康成

陸游劄南集云先少師宣和初有贈晁公以道詩云云晁公大愛賞今逸全篇偶讀晁公文集泣而足之士不逢時勇退耕閉門自號景迂生遠聞佳士輒心許老見異書猶眼明奴愛才如

蕭穎士婢知詩似鄭康成早孤遇事偏多感欲
續殘章涕已頤

崔子方

江上逢晁適道

渺渺連江雨微微到面風主人留一餉佳士得相逢會
面嗟何晚論詩許有功君家好兄弟更覺此心同

宋文鑑

田亘

亘字元邈陽翟人與陳叔易崔德符善建炎中

以察官召卒

江梅

千林含凍鬱蒼蒼只有江梅獨自芳
暗吐幽香穿別院半敲斜影入寒塘
冰膚宛是姑仙女粉面端疑騎省郎
若是蜜奴曾拂掠肯收紅豔貯蜂房

瀛奎律髓元邈梅詩三首前二首云趁暖不隨
千片折凌寒先伴六花開臨流照影為誰好映
竹無人空自憐皆佳惟用索笑事不叶故不錄

飛鵲

旋旋晴空作鵲盤仰空誰不羨高閒
豈知盡日勞心眼

只在塵寰腐鼠閒

瀛奎律髓此益譏相國寺前資察僧而作其為人可知也

王晉卿圖瀛山筆畫精緻京師貴遊蓄之為希代之寶自圖書棄擲于路陽翟張飛卿見而得之過九江以遺友人傅延之延之出以示余余悲而賦詩

他日緘滕屬貴遊詎知遷徙過南州天涯與汝共淪落
淚溼湓江烟雨秋

清河書畫舫

張茂宗

茂宗徽宗朝知潭州

留題衡嶽觀

靈嶽峯前遊古觀此中何別藥珠宮五雲仙客形皆異
十洞烟花景不同鍊藥爐香金石氣醺星壇冷薜蘿風
因聞大道修真訣咫尺三清路可通

南岳總勝集

李先輔

先輔廬陵人

題朱陵洞水簾

一片挂蒼崖分明不惹埃
蹙成珠顆白垂下水簾來
野燕飛難入山風卷不開
聲聲去朝海無意戀巖隈

南岳

總勝集

蘇庠

庠字養直澧州人伯固之子初以病目自號瞽翁後徙居丹陽之後湖更號後湖病民紹興閒居廬山與徐俯同召不起卒年八十餘有後湖

集

鴈林玉露紹興間養直與徐師川同召師川赴
養直辭師川造朝便道過養直留飲甚歡二公
平日對奕徐高于蘇是日養直拈一子笑視師
川曰今日須還老夫下此一著師川有愧色

清江曲

屬玉雙飛水滿塘
菰蒲深處浴鴛鴦
白蘋滿棹歸來晚
秋著蘆花兩岸霜
扁舟繫岸依林樾
蕭蕭兩鬢吹華髮
萬事不理醉復醒
長占烟波弄明月

茗溪漁隱叢話東坡云此篇若置在太白集中
誰復疑其非也

宋詩紀事

後清江曲

層波渺渺山蒼蒼輕霜隕木蓮葉黃呼兒極浦下笭箬
社甕欲熟浮蛆香輕帆淅瀝鳴秋雨日暮乘流自相語
一笛秋風萬事休白鳥翩翩落烟渚

茗溪漁隱叢話

賦王文孺臞菴

王郎臞菴摩詰詩烟花遶舍江遶籬石渠東觀了無夢
筆牀茶竈行相期古人已往不可作甫里顧有今天隨
東鄰蟹舍骨著我請辦蓑笠懸牛衣

中吳紀聞吳江王份字文孺自疏牖卷嘗築園
于松江之側買樹作址計三百萬錢園成極東
南之勝蘇庠詩云云

前題

笛弄松江明月蓑披笠澤歸雲若道青霄快活五侯何
處如君

浮天閣

玉蟾飛入水晶宮萬頃琉璃碎晚風詩就雲歸不知處
斷山零落有無中

秋落空江動碧虛
蘆洲渚雁飛初
我來欲訪鳴夷子
為挂西風十幅蒲

平遠堂

柳外西風六幅蒲
野塘睡鴨對春鉏
如何喚得王摩詰
畫作江南烟雨圖

吳郡志：臞菴在松江之濱，邑人王份有起俗趣，營此以居。圖江湖以入圖，故多柳塘花與景物，秀野名間。四方一時名勝喜遊之，皆為題詩。圖中有與閑平遠、種德及山堂四堂。烟雨觀橫秋閣、凌風臺、鬱戎城、釣雪灘、琉璃沼、臞翁澗、竹廳、龜巢、雲關、顯林、楓林等處，而浮天閣為第一總。

謂之體卷份字文瑞以特恩補官嘗為大治令
歸休老焉

送子經歸臨安

牛背行將老鷗沙盟已寒
蓴鱸付張翰書札報任安
古學飽胸次驚瀾翻筆端
西湖十頃月留取醉時看

宿飛來峰下

吳中未歷佳山水湖上懷思去惘然
雲去雲歸兩峯寺鷗飛鷗沒夕陽天
客愁官渡落花雨歸夢下湖春水船
想得對牀成夜話何須隴月向人圓

以上咸淳臨安志

題張公洞

銅官之南山復山捫蘿絕壁苔蘚斑只今何處可容足

乞我石房雲一間

毘陵志

德友近在咫尺乃不相過因成一詩

十日已吹梅信風絕憐未許一尊同喜君不減習主簿
媿我殊非龐德公

德友求蒼苔花栽戲作小詩代簡

問訊雲蘿小隱家剡藤醉墨半敲斜酒餘落筆已殊絕

發興不須簷蔔花

鐵網珊瑚紹興中建安徐謂跋云蘇公隱丹徒五召不起周君德友主縣簿願從之遊文書往來委曲如瑣求之古人未易一二也

題塘埵山風漪軒

竹陰既疎明流泉復清駛佳響聞山泉涼風澹然至幽人此安禪閱世一遊戲何必周八垠是有能事

至湖上

沙晚水痕碧蕭蕭蒲葦秋鴻飛遵遠渚木落見滄洲藤

杖吟還倚風帘行可休有懷誰共語暝色起林立

以上

鎮江府志

張彥智

句

兩岸更無通步路四時常有避風船

咸淳毘陵志蔣三舍在宜興縣西泝荆四圍皆
澤國宣和間張寶文彥智遇風寄宿贈以詩有
句云云和者盈卷

薛然

答賈支使寄鶴

瑞羽奇姿踉蹌形，稱為仙馭過蒼冥。
何年厚祿曾居衛，幾世前身本姓丁。
幸有遠雲兼遠水，莫臨華表與華亭。
勞君贈我清歌侶，將去田園夜坐聽。

合璧事類別集

楊軒

牡丹

楊妃歌舞態西子，巧譏魂利劍斬不斷。
餘妖鍾此根光華，日已盛闌檻豈長存。
寄語尋芳者，須知松桂尊。

合璧

鄭 鋼

鋼宣和中承議郎

題資州東巖

逕轉得幽谷雲巖屹相向
谿訝偃重簷彎環依疊嶂
緬想融結初鑄鑱自天匠
了無斧鑿跡但覺盤根壯
深可數千尺廣逾八九丈
洞穴既窈窕松門亦昭曠
廓舍三千界中列五百像
巨楠布幢蓋翠蔓垂帷帳
木靈不知

名境幽或難狀我時馳征輶奔走倦塵鞅獲此一段奇
欣然愜微尚欲去興未闌行行重回望

名勝志

宋詩紀事卷四十一